




Broj: 02-02-1-3521-7/23
Sarajevo, 17. 1. 2024. godine



PARLAMENTARNA SKUPŠTINA BiH

- Zastupnički dom -
- Dom naroda -

PRIMLJENO:		17-01-2024	
Upravljački odjel	Broj odluka	Redni broj	Redni broj odluka
01,02-	02-1-	169/24	

PREDMET: Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, dostavlja se

Poštovani,

Vijeće ministara Bosne i Hercegovine, na 35. sjednici, održanoj 11. siječnja 2024. godine, usvojilo je Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, te je zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po žurnom zakonodavnom postupku.

U opredjeljenju da razmatranje i usvajanje navedenog zakona predloži po žurnom postupku, Vijeće ministara Bosne i Hercegovine je uvažilo navode iznijete u dopisu Ministarstva komunikacija i prometa Bosne i Hercegovine, broj: 04-02-1-3247-4/23 os 25. prosinaca 2023. godine.

U svezi prednje navedenog, u privitku dostavljamo Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, na bosanskom, hrvatskom i srpskom jeziku te latiničnom i ćirilicnom pismu, kao i njegovu elektroničku verziju sa svim priložima.

Istovremeno, dostavljamo obrazloženje Prijedloga zakona kao i navedeni dopis Ministarstva komunikacija i prometa Bosne i Hercegovine o razlozima donošenja istog po žurnom postupku sukladno poslovničkim odredbama oba doma Parlamentarne skupštine BiH, Obrazac broj 1 – prethodna procjena učinaka propisa i Obrazac 2a o fiskalnoj procjeni sukladno Jedinostvenim pravilima za izradu pravnih propisa u institucijama Bosne i Hercegovine, te pribavljena mišljenja nadležnih institucija: Ureda za zakonodvstvo Vijeća ministara Bosne i Hercegovine, Ministarstva financija i trezora Bosne i Hercegovine, Ministarstva pravde Bosne i Hercegovine, Direkcije za europske integracije Vijeća ministara Bosne i Hercegovine, Agencije za zaštitu osobnih podataka u Bosne i Hercegovine kao i Pregled odredaba Zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, koje se mijenjaju i dopunjuju.

S poštovanjem,

**GENERALNI TAJNIK
VIJEĆA MINISTARA BiH**
mr. Robert Vidović

Privitak: kao u tekstu

Dostaviti:

- naslovu
- a/a



Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na ___ sjednici Predstavničkog doma, održanoj _____. godine, i na ___ sjednici Doma naroda, održanoj _____. godine, usvojila je

**ZAKON O
IZMJENAMA I DOPUNAMA ZAKONA
O AGENCIJI ZA PRUŽANJE USLUGA U ZRAČNOJ PLOVIDBI BOSNE I
HERCEGOVINE**

Član 1.

U Zakonu o Agenciji za pružanje usluga u zračnoj plovidbi Bosne i Hercegovine („Službeni glasnik BiH”, broj 43/09) iza člana 3. dodaje se član 3a. koji glasi:

**„Član 3a.
(Registracija)**

Agencija će biti registrirana kao pravno lice Bosne i Hercegovine, u skladu sa Zakonom o registraciji pravnih lica koja osnivaju institucije Bosne i Hercegovine.“

Član 2.

Član 4. mijenja se i glasi:

**„Član 4.
(Djelatnost)**

- (1) Djelatnosti Agencije su:
- a) pružanje usluga upravljanja zračnim prometom i usluga u zračnoj plovidbi ATM/ANS koje obuhvata sljedeće elemente:
 - 1) usluge u zračnom prometu,
 - 2) upravljanje zračnim prostorom,
 - 3) upravljanje protokom zračnog prometa,
 - 4) usluge komunikacije, navigacije i nadzora,
 - 5) meteorološke usluge u zračnoj plovidbi,
 - 6) usluge zrakoplovnog informiranja,
 - 7) projektiranje postupaka letenja,
 - b) poslovi spasilačkog koordinacijskog centra u potrazi i spašavanju,
 - c) usluge kalibraže radionavigacijskih sredstava i validacija letnih procedura,
 - d) pružanje zajedničkih usluga informiranja u U-space zračnom prostoru,
 - e) pružanje U-Space usluga u U-Space zračnom prostoru,
 - f) stručno školovanje i usavršavanje osoblja zračne plovidbe,
 - g) stvaranje i pružanje elektronskih podataka o terenu i preprekama,
 - h) izvoz i uvoz za potrebe Agencije,
 - i) ostali poslovi i operacije koji su u službi sigurnog odvijanja zračne plovidbe.
- (2) Pružanje usluga iz stava (1) tačka a) alineja 1) ovog člana podrazumijeva:
- a) uslugu kontrole zračnog prometa (oblasna, prilazna i aerodromska kontrola),
 - b) uslugu letnih informacija u zračnom prometu,
 - c) savjetodavnu uslugu u zračnom prometu,
 - d) uslugu uzbunjivanja.
- (3) Pružanje usluga iz stava (1) tačka a) alineja 2) ovog člana označava:

PRIJEDLOG

- a) funkciju planiranja sa primarnim ciljem maksimalnog korištenja raspoloživog zračnog prostora putem dinamičke podjele vremena, a povremeno i segregaciju zračnog prostora između različitih kategorija korisnika zračnog prostora na osnovu kratkoročnih potreba,
 - b) usluge koordinacije za potrebe Jedinice za upravljanje zračnim prostorom (Airspace Management Cell - AMC), u čijem radu učestvuju i predstavnici koje imenuje Ministarstvo odbrane BiH.
- (4) Pružanje usluga iz stava (1) tačka a) alineja 3) ovog člana označava funkciju uspostavljenu s ciljem da se doprinese sigurnom, urednom i ekspeditivnom protoku zračnog prometa, osiguravajući da je kapacitet usluga kontrole zračnog prometa maksimalno iskorišten i da je obim prometa kompatibilan sa kapacitetima koje su objavili odgovarajući pružatelji usluga u zračnom prometu.
- (5) Pružanje usluga iz stava (1) tačka a) alineja 4) ovog člana podrazumijeva:
- a) usluge komunikacije (Communication Services): označavaju zrakoplovne fiksne i mobilne usluge koje omogućavaju komunikaciju zemlja-zemlja, zrak-zemlja i zrak-zrak za potrebe usluga kontrole zračnog prometa,
 - b) usluge navigacije (Navigation Services): označavaju sredstva i usluge kojima se zrakoplovu osiguravaju informacije o poziciji i trenutku u vremenu,
 - c) usluge nadzora (Surveillance Services): označavaju sredstva i usluge koji se koriste za utvrđivanje položaja zrakoplova kako bi se omogućilo njihovo sigurno razdvajanje.
- (6) Pružanje usluga iz stava (1) tačka a) alineja 5) ovog člana označava usluge davanja informacija zrakoplovima o meteorološkim prognozama, izvještajima i osmatranjima, kao i svih drugih meteoroloških informacija i podataka za potrebe zračne plovidbe.
- (7) Pružanje usluga iz stava (1) tačka a) alineja 6) označava službu uspostavljenu unutar definirane oblasti pokrivanja odgovornu za pružanje informacija u zračnoj plovidbi i podataka neophodnih za sigurnu, redovnu i efikasnu zračnu plovidbu.
- (8) Pružanje usluga iz stava (1) tačka d) ovog člana označava uslugu koja se sastoji od distribuiranja statičnih i dinamičkih podataka kako bi se omogućilo pružanje U-space usluga za upravljanje prometom bespilotnih zrakoplova.
- (9) Pružanje usluga iz stava (1) tačka e) ovog člana označava uslugu koja se oslanja na digitalne usluge i automatizaciju funkcija namijenjenu za podupiranje sigurnog, efikasnog i zaštićenog pristupa U-space zračnom prostoru za velik broj UAS-ova.“

Član 3.

U članu 5. stavu (1) tački c) alineji 4) riječi „(AISBIH)“ zamjenjuju se riječima „(AIS/AIM)“.

Tačka d) mijenja se i glasi:

„d) Jedinice za pružanje usluga prilazne i aerodromske kontrole leta na kontroliranim aerodromima u Bosni i Hercegovini.“

Član 4.

U članu 8. stavu (3) tačka e) mijenja se i glasi:

„e) usvaja Godišnji izvještaj o poslovanju Agencije koji uključuje Izvještaj nezavisnog revizora o reviziji.“

Član 5.

U članu 10. stav (4) mijenja se i glasi:

„(4) Članovi Vijeća Agencije imenuju se na mandat od četiri godine. Ista osoba može se ponovo imenovati za člana Vijeća Agencije.”

Član 6.

U članu 11. iza tačke d) dodaje se nova tačka e) i glasi:

„e) donosi Odluku o privremenom finansiranju Agencije ukoliko Vijeće ministara BiH ne usvoji Finansijski plan Agencije prije početka fiskalne godine.“

U dosadašnjoj tački g) koja postaje tačka h) brišu se riječi „polugodišnjem i”.

U dosadašnjoj tački i) koja postaje tačka j) riječi „100.000,00 KM” zamjenjuju se riječima „250.000,00 KM bez PDV-a”.

U dosadašnjoj tački j) koja postaje tačka k) riječ „prijedlog” zamjenjuje se riječju “visinu”.

Dosadašnje tačke e), f), g), h), i), j), k), l) postaju tačke f), g), h), i), j), k), l), m).

Član 7.

U članu 16. u stavu (2) riječi „7/03 i“ se brišu.

Stav (5) mijenja se i glasi:

„Mandat članova Uprave traje pet godina. Ista osoba može se ponovo imenovati za člana Uprave.”

Iza stava (6) dodaje se novi stav (7) koja glasi:

„(7) Izuzetno, Vijeće ministara može na prijedlog Vijeća Agencije imenovati v. d. člana Uprave, a koji mora ispunjavati sve uvjete navedene u stavu (3) ovog člana.“

Član 8.

Iza člana 20. dodaje se član 20a. koji glasi:

„Član 20a.

(Osnivanje privrednih društava)

- (1) Za potrebe obavljanja djelatnosti iz člana 4. ovog Zakona, BHANSA može osnivati privredna društva u skladu sa propisima koji uređuju osnivanje, poslovanje, upravljanje i prestanak privrednih društava u BiH, poštujući principe ravnomjerne entitetske zastupljenosti sjedišta privrednih društava.
- (2) Osnivanje privrednih društava odobrava Vijeće ministara Bosne i Hercegovine.
- (3) Prilikom imenovanja članova Uprave privrednih društava, Vijeće ministara Bosne i Hercegovine dužno je voditi računa o ravnopravnoj nacionalnoj i entitetskoj zastupljenosti.“

Član 9.

U članu 24. stav (6) mijenja se i glasi:

„(6) Na osnovu godišnjih finansijskih izvještaja, a u svrhu osiguranja transparentnosti finansijskog poslovanja korisnicima usluga u zračnoj plovidbi, Agencija će odvojeno prikazivati finansijske efekte po pojedinim tipovima usluga.“

Član 10.

Čl. 29, 30, 31, 32, 33. i 34. se brišu.

Član 11.

Ovaj Zakon stupa na snagu osmoga dana od dana objavljivanja u „Službenom glasniku BiH“.

PSBiH, broj .../24

_____ godine

Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

1. Ustavni osnov

Ustavni osnov za donošenje ovog Zakona sadržan je članu IV 4. a) Ustava Bosne i Hercegovine, kojim je propisano da je Parlamentarna skupština Bosne i Hercegovine nadležna za donošenje zakona.

2. Razlozi za donošenje Zakona

Razlozi za donošenje Zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine nalaze se u potrebi da se izmjenama i dopunama važeći Zakon prilagodi aktuelnom stanju i potrebama prakse te da se prevaziđu nedostaci koji su uočeni u postupku njegove primjene.

Kroz odredbe predloženih izmjena i dopuna Zakona, unutrašnja organizacija Agencije za pružanje usluga u zračnoj plovidbi (u daljnjem tekstu: Agencija) bit će usklađena sa zahtjevom u vezi sa uspostavljanjem i osiguranjem usluga u zračnoj plovidbi na svim kontroliranim aerodromima u Bosni i Hercegovini, uključujući i aerodrome osnovane nakon stupanja na snagu Zakona.

Pored navedenog, predloženim odredbama pojedine norme su dopunjene, precizirane i jasnije definirane, čime su uklonjeni uočeni nedostaci, nelogičnosti i pravne praznine, te je osigurana jednostavnija i kvalitetnija primjena Zakona.

Također, potrebno je napomenuti da su od momenta stupanja na snagu osnovnog Zakona sva pitanja u vezi sa osnivanjem Agencije i procesom tranzicije u potpunosti realizirana zbog čega su norme koje reguliraju navedena pitanja izbrisane te je Zakon usklađen sa aktuelnim stanjem kao i sa zahtjevima i potrebama prakse.

S obzirom da se radi o manjim izmjenama predmetnog Zakona predlaže se razmatranje i usvajanje istog po hitnom postupku.

3. Obrazloženje pojedinih odredaba Zakona

Članom 1. osnovni Zakon je dopunjen novim članom 3a. koji sadrži odredbu o načinu registracije Agencije u skladu sa Zakonom o registraciji pravnih lica koja osnivaju institucije Bosne i Hercegovine. Navedena odredba o načinu registracije Agencije se nalazi i u osnovnom tekstu Zakona u članu 30., u Dijelu pet – Prijelazne i završne odredbe. S obzirom na to da je uspostavljanje Agencije, kao i proces tranzicije entitetskih direkcija (RSCAD i FEDCAD) i BHDCA okončano dana 1. 1. 2014. godine, sve prijelazne odredbe koje reguliraju tranzicioni period su izbrisane, izuzev odredbe o načinu osnivanja Agencije, koja je prebačena u Dio prvi – Osnovne odredbe.

Članom 2. izmijenjen je član 4. osnovnog Zakona kojim se utvrđuju djelatnosti BHANSA-e, kako slijedi:

- u stavu (1) tačka a) ovog Zakona nazivi i organizacija djelatnosti pružanja usluga upravljanja zračnim prometom i usluga u zračnoj plovidbi usklađeni su sa odredbama Pravilnika o utvrđivanju

PRIJEDLOG

općih i posebnih zahtjeva za pružatelje usluga upravljanja zračnim prometom, usluga u zračnoj plovidbi i drugih mrežnih funkcija za upravljanje zračnim prometom („Službeni glasnik BiH“, broj: 10/23), kojim su preuzete odredbe provedbene Uredbe Evropske komisije 2017/373 u skladu sa odredbama Multilateralnog sporazuma o stvaranju Evropske zajedničke zrakoplovne oblasti – ECAA potpisanog 9. 6. 2006. godine i ratificiranog 19. 9. 2007. godine, Odlukom o ratifikaciji ECAA („Službeni glasnik BiH“, broj 10/07),

- u stavu (1) tačka c) utvrđena je nova djelatnost koja se odnosi na usluge kalibraže radionavigacijskih sredstava i validacija letnih procedura u cilju omogućavanja visokog nivoa konkurentnosti na tržištu na način da se pružanje ovih usluga omogući domaćoj kompaniji, a što će se provoditi poštujući standarde i preporučenu praksu Međunarodne organizacije za civilno zrakoplovstvo,
- u stavu (1) pod tačkama d) i e) utvrđene su nove djelatnosti pružanja zajedničkih usluga informiranja u U-space zračnom prostoru i pružanja U-Space usluga u U-Space zračnom prostoru koje su definirane odredbama provedbene Uredbe Komisije (EU) 2021/664 od 22. aprila 2021. godine o regulatornom okviru za U-space te standardima i preporučenom praksom Međunarodne organizacije civilnog zrakoplovstva (ICAO) sadržanim u dokumentu Unmanned Aircraft Systems Traffic Management (UTM) – A Common Framework with Core Principles for Global Harmonization. Povećanje broja i složenosti operacija dronova (UAS), koje predstavlja rizik za sigurnost, zaštitu, privatnost i okoliš, posebno zbog činjenice da se u određenim područjima operacije dronova (UAS) odvijaju uz zrakoplove s posadom, uvjetuje neophodnost pružanja podrške provođenju takvih operacija u cilju osiguranja sigurnosti u zračnom prostoru Bosne i Hercegovine. Podrška UAS operacijama će se provoditi kroz usluge utvrđene pod ovim tačkama,
- u stavu (1) tačka f) dosadašnja usluga stručnog osposobljavanja osoblja izmijenjena je tako da je izbrisana riječ „kontrola“ radi usklađivanja sa važećom terminologijom,
- u stavu (1) tačka g) definirana je nova djelatnost koja se odnosi na stvaranje i pružanje elektronskih podataka o terenu i preprekama na način kako je definirano odredbama Zakona o zrakoplovstvu BiH („Službeni glasnik BiH“, broj: 39/09 i 25/18), Pravilnika o utvrđivanju općih i posebnih zahtjeva za pružatelje usluga upravljanja zračnim prometom, usluga u zračnoj plovidbi i drugih mrežnih funkcija za upravljanje zračnim prometom („Službeni glasnik BiH“, broj: 10/23) i Pravilnika o utvrđivanju zahtjeva i upravnih postupaka u vezi sa aerodromima („Službeni glasnik BiH“, broj: 17/21 i 75/22) kojim je definirano da će BHANSA osiguravati podatke o preprekama za sve korisnike usluga. Uvođenje ove djelatnosti će omogućiti BHANSA-i samostalno vršenje mjerenja, obrade podataka i njihovo stavljanje na raspolaganje korisnicima usluga. Osim toga, poboljšat će Agencijine postupke dizajniranja procedura leta, omogućiti upravljanje izgradnjom prepreka i osigurati ograničenja gradnje u blizini aerodroma,
- u stavovima od (2) do (9) detaljnije su opisane djelatnosti BHANSA-e nabrojane u stavu (1).

Članom 3. stav (1) riječi (AIS/BIH) u članu 5. stavu (1) tački c) alineji 4) osnovnog Zakona zamijenjene su sa (AIS/AIM) radi usklađivanja naziva službe zrakoplovnih informiranja sa ICAO standardima i preporučenom praksom i odredbama Pravilnika o utvrđivanju općih i posebnih zahtjeva za pružatelje usluga upravljanja zračnim prometom, usluga u zračnoj plovidbi i drugih mrežnih funkcija za upravljanje zračnim prometom („Službeni glasnik BiH“, broj: 10/23) kojim su preuzete odredbe provedbene Uredbe Evropske komisije 2017/373 u skladu sa odredbama Multilateralnog sporazuma o stvaranju Evropske zajedničke zrakoplovne oblasti – ECAA, potpisanog 9. 6. 2006. godine i ratificiranog 19. 9. 2007. godine Odlukom o ratifikaciji ECAA („Službeni glasnik BiH“, broj 10/07).

Članom 3. stav (2) izmijenjen je i član 5. stav (1) tačka d) osnovnog Zakona na način da je utvrđeno da se u operativno-tehničke službe Agencije ubrajaju jedinice za pružanje usluga prilazne i aerodromske kontrole leta na kontroliranim aerodromima u Bosni i Hercegovini. U osnovnom tekstu Zakona operativno-tehničke službe obuhvataju jedinice za pružanje usluga prilazne i aerodromske kontrole leta na kontroliranim aerodromima u Banjoj Luci, Mostaru, Sarajevu i Tuzli. Nakon donošenja osnovnog Zakona, utvrđena je potreba za izgradnjom dva nova aerodroma na teritoriji Bosne i Hercegovine te su osnovana javna preduzeća „Aerodrom Bihać“ (decembar 2015. godine) i „Aerodrom Trebinje“ (septembar 2020. godine). Predloženom izmjenom Agenciji je omogućeno da osigura usluge prilazne i aerodromske kontrole letenja na svim kontroliranim aerodromima u Bosni i Hercegovini.

Članom 4. otklonjena je greška i nelogičnost sadržana u članu 8. stav (3) tačka e) osnovnog Zakona. U osnovnom tekstu propisano je da Vijeće ministara usvaja Godišnji izvještaj Vijeća Agencije o radu Agencije. Međutim, odredbom člana 11. tačka h) propisano je da Vijeće Agencije podnosi Vijeću ministara BiH Godišnji izvještaj o poslovanju Agencije koji uključuje Izvještaj nezavisnog revizora o reviziji. Slijedom navedenog, izvršeno je usklađivanje navedenih odredaba te je propisano da Vijeće ministara BiH usvaja Godišnji izvještaj o poslovanju Agencije koji uključuje Izvještaj nezavisnog revizora o reviziji, a koji mu podnosi Vijeće Agencije.

Članom 5. izmijenjen je član 10. stav (4) osnovnog teksta Zakona na način da je propisana mogućnost da se ista osoba može ponovo imenovati za člana Vijeća Agencije. Osnov za ograničenje broja ponovnih imenovanja članova Vijeća nije sadržan ni u jednom zakonu ili drugom propisu Bosne i Hercegovine. Navedena izmjena je izvršena slijedeći praksu evropskih država i praksu država u okruženju. Naime, osnivački akti (zakoni, ugovori) pružatelja usluga u zračnoj plovidbi država u okruženju (Hrvatska, Srbija, Slovenija...) predviđaju mogućnost ponovnog imenovanja članova Nadzornog odbora, a kako slijedi: član 20. stav (2) Zakona o osnivanju Hrvatske kontrole zračne plovidbe (NN 19/98, 20/00, 51/13) propisuje da se članovi Nadzornog odbora Hrvatske kontrole zračne plovidbe biraju na vrijeme od četiri godine i da isti članovi mogu biti ponovo birani, član 5. Zakona o uspostavljanju navigacijskih službi zračnoga prometa (Uradni list RS, št 30/2006) propisuje da direktor i članovi Nadzornog odbora Kontrole zračnoga prometa Slovenije mogu biti ponovo imenovani, dok Ugovor o potvrđivanju kontinuiteta zrakoplovnih usluga u zračnim prostorima Crne Gore i Srbije od 25. 4. 2012. godine („Sl. list CG - međunarodni ugovori“, br. 4 od 20. marta 2013.) ne sadrži nikakva ograničenja po pitanju ponovnog imenovanja članova Nadzornog odbora Kontrole letenja Srbije i Crne Gore.

Članom 6. stav (1) izmijenjen je član 11. osnovnog Zakona na način da se iza tačke d) dodaje nova tačka e) koja utvrđuje nadležnost Vijeća Agencije za donošene odluka o privremenom finansiranju ukoliko Vijeće ministara ne usvoji Finansijski plan prije početka fiskalne godine. Navedenom odredbom se osigurava kontinuitet poslovanja BHANSA-e, kontinuitet pružanja usluga i kontinuitet isplate plaća i drugih obaveza.

Članom 6. stav (2) izmijenjen je član 11. tačka g) osnovnog teksta Zakona kojima je propisano da Vijeće Agencije usvaja Izvještaj Uprave o poslovanju nakon polugodišnjeg i godišnjeg obračuna, s bilansom stanja i bilansom uspjeha na način da su iz navedenog stava izbrisane riječi „polugodišnjeg i“. Naime, članom 36. novog Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj 15/21), koji je stupio na snagu 4. 3. 2021. godine, uređeno je sastavljanje i prezentiranje finansijskih izvještaja. U članu 36. stav (1) navedenog Zakona propisano je da pravna lica finansijske izvještaje sastavljaju i prezentiraju za poslovnu godinu, i to za period od 1. januara do 31. decembra tekuće godine sa usporedivim podacima za prethodnu godinu. S obzirom na činjenicu da se, nakon stupanja na snagu navedenog Zakona o računovodstvu i reviziji, polugodišnji obračun ne sastavlja niti se predaje Finansijsko-informatičkoj Agenciji, vrši se izmjena predmetnog stava člana 11. ovog Zakona.

Članom 6. stav (3) izmijenjen je član 11. tačka i) osnovnog teksta Zakona kojima je propisano da Vijeće Agencije daje saglasnost na kupnju, prodaju, razmjenu, uzimanje ili davanje u leasing, uzimanje kredita i druge transakcije tokom poslovne godine, na način da je minimalan novčani iznos na koji se daje saglasnost povećan sa 100.000,00 KM na 250.000,00 KM bez PDV-a. U skladu sa članom 11. Zakona, Vijeće Agencije predlaže Godišnji program rada i Finansijski plan Agencije te usvaja izvještaje Uprave o poslovanju nakon polugodišnjeg i godišnjeg obračuna, s bilansom stanja i bilansom uspjeha. S tim u vezi, Vijeće Agencije kroz navedene akte daje svoju saglasnost i odobrenje na sve planirane i realizirane aktivnosti Agencije, koje uključuju i sve finansijske transakcije tokom poslovne godine. Iznos davanja saglasnosti na pojedinačne odluke u vezi sa kupnjom, prodajom, razmjenom, uzimanjem ili davanjem u leasing, uzimanjem kredita i drugim transakcijama povećan je na 250.000,00 KM bez PDV-a iz praktičnih razloga, zbog činjenice da se Vijeće Agencije sastaje periodično, prema potrebi, a najmanje jednom u tri mjeseca. Osim na plaće zaposlenika, većina utroška finansijskih sredstava Agencije odnosi se na nabavku/kupnju i održavanje uređaja i sistema značajnih za pružanje usluga u zračnoj plovidbi te bi svako kašnjenje u realizaciji navedenih aktivnosti, koje bi uslijedilo zbog periodičnog sastajanja, moglo prouzrokovati degradaciju usluga u zračnoj plovidbi.

Članom 6. stav (4) u članu 11. tački j) osnovnog teksta Zakona preciznije i jasnije je definirana nadležnost Vijeća Agencije za donošenje osnovice za obračun plaća. Naime, član 8. stav (3) tačka d) osnovnog teksta Zakona propisuje da Vijeće ministara BiH usvaja Godišnji program rada i Finansijski plan Agencije. Član 8. stav (3) tačka j) osnovnog teksta Zakona propisuje da Vijeće ministara BiH odobrava akt kojim se utvrđuju plaće, platni razredi i posebni dodaci na plaće zaposlenika Agencije, a što je sadržano u Pravilniku o plaćama, dodacima i naknadama u Agenciji za pružanje usluga u zračnoj plovidbi BiH. Donošenje osnovice za obračun plaće je u nadležnosti Vijeća Agencije te su jasnijom formulacijom otklonjene sve nedoumice i nedorečenosti koje bi mogle dovesti do pogrešnog tumačenja navedene odredbe.

Članom 6. stav (5) utvrđuje se da tačke e), f), g), h), i), j), k), l) osnovnog teksta Zakona postaju tačke f), g), h), i), j), k), l), m).

Članom 7. stav (1) izmijenjen je član 16. stav (2) osnovnog teksta Zakona na način da je otklonjena tehnička greška koja se odnosi na broj „Službenog glasnika BiH“ u kojem je objavljen Zakon o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Članom 7. stav (2) izmijenjen je član 16. stav (5) osnovnog teksta Zakona na način da je propisana mogućnost da se ista osoba može ponovo imenovati za člana Uprave Agencije. Navedena izmjena je izvršena slijedeći praksu evropskih država i praksu država u okruženju. Naime, osnivački akti (zakoni, ugovori) pružatelja usluga u zračnoj plovidbi država u okruženju (Hrvatska, Srbija, Slovenija...) predviđaju mogućnost ponovnog imenovanja rukovoditelja institucija (direktora i zamjenika), a kako slijedi: član 16. stav (2) Zakona o osnivanju Hrvatske kontrole zračne plovidbe (NN 19/98, 20/00, 51/13) propisuje da se ista osoba može ponovo imenovati za direktora Hrvatske kontrole zračne plovidbe. Član 43. stav (4) Ugovora o potvrđivanju kontinuiteta zrakoplovnih usluga u zračnim prostorima Crne Gore i Srbije od 25. 4. 2012. godine („Sl. list CG - međunarodni ugovori“, br. 4 od 20. marta 2013.) propisuje da isto lice može biti ponovo imenovano za direktora ili zamjenika direktora, dok član 5. Zakona o uspostavljanju navigacijskih službi zračnoga prometa (Uradni list RS, št 30/2006) također propisuje da direktor Kontrole zračnog prometa Slovenije može biti ponovo imenovan po isteku mandata. Ovo pitanje je na isti način uređeno kod svih evropskih pružatelja usluga u zračnoj plovidbi. Predmetna izmjena nije u suprotnosti sa Zakonom o ministarskim imenovanjima, imenovanjima Vijeća ministara i drugim imenovanjima u BiH („Sl. glasnik BiH“, br. 37/03) u skladu sa kojim se provodi procedura imenovanja članova Uprave Agencije, niti bilo kojim drugim relevantnim propisima u BiH. Članom 7. stav (3) dopunjen je član 16. osnovnog teksta Zakona i to stavom (7) koji propisuje uvjete i način imenovanja v. d. člana Uprave, čime je otklonjena

pravna praznina i propisana jasna procedura imenovanja v. d. člana Uprave Agencije u slučaju vanrednih okolnosti i nemogućnosti imenovanja na mandatni period.

Članom 8. mijenja se član 20. osnovnog Zakona u smislu da za potrebe obavljanja djelatnosti utvrđenih u članu 4. BHANSA može osnivati privredna društva u skladu sa propisima koji uređuju osnivanje, poslovanje, upravljanje i prestanak privrednih društava u BiH, uz odobrenje Vijeća ministara BiH, pri čemu će se poštovati principi ravnopravne nacionalne i entitetske zastupljenosti sjedišta i članova uprave društava. Razlog osnivanja privrednih društava nalazi se u potrebi povećanja operativne efikasnosti. Svako privredno društvo će biti usmjereno na specifične funkcije ili procese, što će omogućiti bolje upravljanje i optimizaciju poslovnih operacija.

Članom 9. preformuliran je osnovni tekst člana 24. stav (6) koji definira da će se u svrhu osiguranja transparentnosti finansijskog poslovanja korisnicima usluga u zračnoj plovidbi u godišnjim finansijskim izvještajima Agencije odvojeno prikazivati finansijski učinci pružanja usluga u zračnoj plovidbi po pojedinim tipovima usluga. Činjenica je da **godišnji finansijski izvještaji** Agencije ne mogu odvojeno prikazivati finansijske učinke pružanja usluga u zračnoj plovidbi po pojedinim tipovima usluga. Subjekti, pa tako i Agencija, u skladu s međunarodnim standardima finansijskog izvještavanja (MSFTI), izrađuju jedne godišnje finansijske izvještaje na propisanim obrascima. Novi prijedlog definicije člana 24. stav (6) jasnije odražava prikazivanje finansijskih učinaka pružanja usluga u zračnoj plovidbi po pojedinim tipovima usluga. Radi se o propisanoj obavezi koju Agencija izvršava na osnovu Metodologije alokacije troškova BHANSA-e i Izvještaja o stvarnim troškovima, a ne kroz godišnje finansijske izvještaje Agencije, kako je to ranije bilo propisano. Naime, Metodologijom alokacije troškova propisan je način alokacije troškova Agencije koji nastaju prilikom pružanja usluga zračne plovidbe u zračnom prostoru Bosne i Hercegovine na rutne (en route) i terminalne usluge. Agencija ne može i ne izrađuje godišnje finansijske izvještaje za rutne, odnosno za terminalne usluge, stoga je predložena nova definicija člana 24. stav (6) Zakona o Agenciji.

Članom 10. izbrisani su članovi 29, 30, 31, 32, 33. i 34. osnovnog teksta Zakona zbog činjenice da se radilo o prijelaznim odredbama koje su regulirale način imenovanja v. d. članova Uprave odmah nakon donošenja Zakona, prijenos funkcija sa entitetskih direkcija (RSCAD i FEDCAD), pristup imovini, preuzimanje zaposlenika i sl. iz razloga što su sve aktivnosti realizirane i nisu od značaja za daljnji rad i funkcioniranje Agencije. Član 30. osnovnog teksta koji regulira način registracije Agencije je članom 1. ovog propisa prebačen u član 3a., koji se nalazi u osnovnim odredbama Zakona.

Član 11. propisuje stupanje na snagu ovog Zakona.

4. Principi na kojima je zasnovan prijedlog Zakona

Predloženi Zakon o izmjenama i dopunama zakona o Agenciji za pružanje usluga u zračnoj plovidbi Bosne i Hercegovine zasniva se na načelima ustavnosti i zakonitosti i usklađen je sa Ustavom Bosne i Hercegovine koji u članu 3. pod stavom 1. tačka j) propisuje da je kontrola zračnog prometa u nadležnosti institucija Bosne i Hercegovine. Osim toga, prijedlog navedenog Zakona usklađen je sa Zakonom o zrakoplovstvu Bosne i Hercegovine, Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, kao i Zakonom o upravi Bosne i Hercegovine.

5. Usklađenost Zakona sa evropskim zakonodavstvom

Predloženi Zakon usklađen je sa zahtjevima iz člana 2. stav (2) tačka i. Protokola II Multilateralnog sporazuma o stvaranju Evropske zajedničke zrakoplovne oblasti (ECAA) potpisanog u Luksemburgu 9. juna 2006. godine, ratificiranog 19. septembra 2007. godine, koji definiira obavezu da pružatelj usluga u zračnoj plovidbi bude razdvojen od državnog regulatornog tijela.

6. Mehanizmi provođenja i način osiguranja poštivanja propisa

Za provođenje Zakona, kao i osiguravanje poštivanja njegovih odredaba, nadležni su i odgovorni:

- Parlamentarna skupština Bosne i Hercegovine, koja u skladu sa članom 8. stav (2) usvaja Razvojnu strategiju na prijedlog Vijeća ministara BiH,
- Vijeće ministara, u skladu sa pravima, obavezama i odgovornostima definiranim u članu 8. stavu (3) Zakona,
- Vijeće Agencije, u skladu sa pravima, obavezama i odgovornostima definiranim u članu 11. Zakona,
- Uprava, odnosno direktor Agencije u skladu sa pravima, obavezama i odgovornostima definiranim u članu 17. Zakona.

7. Obrazloženje finansijskih sredstva za provođenje Zakona i finansijski učinci

Za provođenje ovog Zakona nije potrebno osigurati dodatna finansijska sredstva u Budžetu institucija Bosne i Hercegovine.

8. Opis konsultacija vođenih u toku izrade ovog propisa

Bit će opisano nakon izvršenih konsultacija.

**PREGLED ODREDBA ZAKONA O AGENCIJI ZA PRUŽANJE USLUGA U
ZRAČNOJ PLOVIDBI BOSNE I HERCEGOVINE
(„Službeni glasnik BiH“, br. 43/09) koje se mijenjaju i dopunjuju**

DIO PRVI - OPĆE ODREDBE

**Član 4.
(Djelatnost)**

- (1) Djelatnost Agencije je:
- a) Pružanje usluga upravljanja zračnim saobraćajem i usluga u zračnoj plovidbi ATM/ANS koje obuhvata sljedeće elemente:
 - 1) Usluge u zračnom saobraćaju,
 - 2) Upravljanje zračnim prostorom,
 - 3) Upravljanje protokom zračnog saobraćaja,
 - 4) Usluge komunikacije, navigacije i nadzora,
 - 5) Meteorološke usluge u zračnoj plovidbi,
 - 6) Usluge zrakoplovnog informiranja;
 - 7) Projektovanje postupaka letenja.
 - b) Poslovi spasilačkog koordinacijskog centra u potrazi i spašavanju,
 - c) Usluge kalibraže radio-navigacijskih sredstava i validacija letnih procedura;
 - d) Pružanje zajedničkih usluga informiranja u U-space zračnom prostoru,
 - e) Pružanje U-Space usluga u U-Space zračnom prostoru;
 - f) Stručno školovanje i usavršavanje osoblja zračne plovidbe;
 - g) Stvaranje i pružanje elektronskih podataka o terenu i preprekama;
 - h) Izvoz i uvoz za potrebe Agencije;
 - i) Ostali poslovi i operacije koji su u službi sigurnog odvijanja zračne plovidbe.
- (2) Pružanje usluga iz stava (1) tačka a) alineja 1) ovog člana podrazumijeva:
- a) uslugu kontrole zračnog saobraćaja (oblasna, prilazna i aerodromska kontrola),
 - b) uslugu letnih informacija u zračnom saobraćaju,
 - c) savjetodavnu uslugu u zračnom saobraćaju,
 - d) uslugu uzbunjivanja.
- (3) Pružanje usluga iz stava (1) tačka a) alineja 2) označava:
- a) funkciju planiranja s primarnim ciljem maksimalnog korištenja raspoloživog zračnog prostora putem dinamičke podjele vremena, a povremeno i segregaciju zračnog prostora između različitih kategorija korisnika zračnog prostora na osnovu kratkoročnih potreba,
 - b) usluge koordinacije za potrebe Jedinice za upravljanje zračnim prostorom (Airspace Management Cell-AMC), u čijem radu učestvuju i predstavnici koje imenuje Ministarstvo odbrane BiH.
- (4) Pružanje usluga iz stava (1) tačka a) alineja 3) ovog člana označava funkciju uspostavljenu s ciljem da se doprinese sigurnom, urednom i ekspeditivnom protoku zračnog saobraćaja, osiguravajući da je kapacitet usluga kontrole zračnog saobraćaja maksimalno iskorišten i da je obim saobraćaja kompatibilan sa kapacitetima koje su objavili odgovarajući pružaoci usluga u zračnom saobraćaju;
- (5) Pružanje usluga iz stava (1) tačka a) alineja 4) ovog člana podrazumijeva:
- a) Usluge komunikacije (Communication Services): označavaju zrakoplovne fiksne i mobilne usluge koje omogućavaju komunikaciju zemlja-zemlja, zrak-zemlja i zrak-zrak za potrebe usluga kontrole zračnog saobraćaja;

- b) Usluge navigacije (Navigation Services): označavaju sredstva i usluge kojima se zrakoplovu osiguravaju informacije o poziciji i trenutku u vremenu;
- c) Usluge nadzora (Surveillance Services): označavaju sredstva i usluge koji se koriste za utvrđivanje položaja zrakoplova kako bi se omogućilo njihovo sigurno razdvajanje;
- (6) Pružanje usluga iz stava (1) tačka a) alineja 5) ovog člana označava usluge davanja informacija zrakoplovima o meteorološkim prognozama, izvještajima i osmatranjima kao i svih drugih meteoroloških informacija i podataka za potrebe zračne plovidbe;
- (7) Pružanje usluga iz stava (1) tačka a) alineja 6) označava službu uspostavljenu unutar definisane oblasti pokrivanja odgovornu za pružanje informacija u zračnoj plovidbi i podataka neophodnih za sigurnu, redovnu i efikasnu zračnu plovidbu;
- (8) Pružanje usluga iz stava (1) tačka d) ovog člana označava uslugu koja se sastoji od distribuiranja statičnih i dinamičkih podataka kako bi se omogućilo pružanje U-space usluga za upravljanje saobraćajem bespilotnih zrakoplova;
- (9) Pružanje usluga iz stava (1) tačka e) ovog člana označava uslugu koja se oslanja na digitalne usluge i automatizaciju funkcija namijenjenu za podupiranje sigurnog, efikasnog i zaštićenog pristupa U-space zračnom prostoru za velik broj UAS-ova.

Član 5. **(Unutrašnja organizacija)**

- (1) Agencija u svome sastavu ima sljedeće organizacijske jedinice:
 - a) Glavni ured u Mostaru;
 - b) Centar oblasne kontrole leta (ACC), s operativnim jedinicama u Sarajevu (ATCU I) i Banjoj Luci (ATCU II);
 - c) Operativno tehničke službe:
 - 1) Službu meteorološkog bdijenja Bosne i Hercegovine u Banjoj Luci (BHMET)
 - 2) Spasilačko-koordinacijski centar Bosne i Hercegovine (Rescue Co-ordination Centre - BHRCC) u Banjoj Luci,
 - 3) Službu za letne informacije Bosne i Hercegovine (Flight Information Service - FIS), objedinjena s BHRCC-om u Banjoj Luci,
 - 4) Službu za zrakoplovne informacije Bosne i Hercegovine (AIS/AIM) u Mostaru,
 - 5) Centar za obuku osoblja za kontrolu zračne plovidbe s ATC simulatorom u Mostaru,
 - 6) Međunarodni ured NOTAM-a u Bosni i Hercegovini (International NOTAM office - BHNOF) u Sarajevu,
 - d) Jedinice za pružanje usluga prilazne i aerodromske kontrole leta na kontroliranim aerodromima u Bosni i Hercegovini.
- (2) Pravilnik o unutrašnjoj organizaciji Agencije mora uvažavati odredbe stava (1) ovoga člana.

DIO DRUGI – UPRAVLJANJE AGENCIJOM

Član 8. **(Prava, obaveze i odgovornosti osnivača)**

- (1) Prava, obaveze i odgovornosti u ime osnivača Agencije ispunjavaju Parlamentarna skupština Bosne i Hercegovine i Vijeće ministara Bosne i Hercegovine (u daljnjem tekstu: Vijeće ministara).
- (2) Parlamentarna skupština Bosne i Hercegovine usvaja razvojnu strategiju na prijedlog Vijeća ministara.
- (3) Vijeće ministara:
 - a) odobrava poslovnu politiku Agencije,

- b) daje saglasnost na Statut Agencije,
- c) odobrava akt kojim se utvrđuju plaće, platni razredi i posebni dodaci na plaće zaposlenika Agencije,
- d) usvaja godišnji program rada i finansijski plan Agencije,
- e) usvaja Godišnji izvještaj o poslovanju Agencije koji uključuje Izvještaj nezavisnog revizora o reviziji,
- f) prema potrebi, imenuje nezavisno tijelo za reviziju finansijskog poslovanja,
- g) daje saglasnost na kupnju, prodaju, razmjenu, uzimanje ili davanje u leasing, uzimanje kredita i druge transakcije tijekom poslovne godine, u razmjeru većem od jedne trećine knjigovodstvene vrijednosti imovine Agencije prema stanju na kraju prethodne godine;
- h) obavlja i druge poslove utvrđene ovim Zakonom.

Član 10. (Struktura Vijeća Agencije)

- (1) Vijeće Agencije ima sedam članova i čine ga predstavnici:
 - a) Ministarstva komunikacija i prometa BiH,
 - b) Ministarstva odbrane BiH,
 - c) Ministarstva finansija i trezora BiH,
 - d) Vlade Republike Srpske,
 - e) Vlade Federacije Bosne i Hercegovine,
 - f) BHDCA i
 - g) zaposlenika Agencije.
- (2) Članove Vijeća Agencije imenuje Vijeće ministara na prijedlog ministra komunikacija i prometa BiH.
- (3) Institucije iz stava (1) tačke od b) do f) ovoga člana dužne su, na zahtjev ministra komunikacija i prometa BiH, u roku od 15 dana predložiti svoje predstavnike za Vijeće Agencije.
- (4) Članovi Vijeća Agencije imenuju se na mandat od četiri godine. Ista osoba može se ponovo imenovati za člana Vijeća Agencije.
- (5) Pri imenovanju članova Vijeća Agencije, Vijeće ministara dužno je voditi računa o ravnopravnoj zastupljenosti svih konstitutivnih naroda u Bosni i Hercegovini.

Član 11. (Djelokrug Vijeća Agencije)

Vijeće Agencije:

- a) nadzire poslovanje Agencije;
- b) nadzire rad Uprave;
- c) donosi Statut uz saglasnost Vijeća ministara;
- d) predlaže godišnji program rada i finansijski plan Agencije;
- e) donosi Odluku o privremenom finansiranju Agencije ukoliko Vijeće ministara BiH ne usvoji Finansijski plan Agencije prije početka fiskalne godine;
- f) donosi Pravilnik o unutrašnjoj organizaciji i sistematizaciji radnih mjesta uz saglasnost Vijeća ministara;
- g) donosi Etički kodeks Agencije;
- h) usvaja izvješća Uprave o poslovanju nakon godišnjeg obračuna, s bilancom stanja i bilancom uspjeha;
- i) podnosi Vijeću ministara godišnje izvješće o poslovanju Agencije, koje uključuje izvješće nezavisnog revizora o reviziji;
- j) daje saglasnost na kupnju, prodaju, razmjenu, uzimanje ili davanje u leasing, uzimanje kredita i druge transakcije tijekom poslovne godine, u opsegu od 250.000,00 KM bez PDV-a do jedne

- trećine knjigovodstvene vrijednosti imovine Agencije prema bilansu stanja na kraju prethodne godine;
- k) utvrđuje visinu osnovice za obračun plaća zaposlenika, platne razrede zaposlenika, naknade i posebne dodatke na plaću koji su u vezi s posebnom prirodom i složenošću posla;
 - l) osniva povremene komisije i utvrđuje njihov sastav i radne zadatke;
 - m) obavlja i druge poslove utvrđene ovim Zakonom.

Član 16.
(Imenovanje Uprave)

- (1) Članove Uprave, na osnovu javnog konkursa i na prijedlog Vijeća Agencije, imenuje Vijeće ministara. Ako Vijeće ministara ne prihvati prijedlog, Vijeće Agencije može u roku od 15 dana dati novi prijedlog s rang-liste uspješnih kandidata. Ako i tada Vijeće ministara ne potvrdi prijedlog za imenovanje, javni konkurs se ponavlja.
- (2) Javni konkurs provodi se u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03).
- (3) Članom Uprave može se imenovati osoba:
 - a) koja zadovoljava uvjete za imenovanje prema Zakonu o ministarskim imenovanjima, imenovanjima Vijeća ministara i drugim imenovanjima Bosne i Hercegovine,
 - b) koja ima najmanje VII stepen stručne spreme,
 - c) koja ima najmanje pet godina radnog iskustva u civilnom zrakoplovstvu i koja zadovoljava i posebne uvjete za imenovanje člana Uprave utvrđene Statutom Agencije.
- (4) Pri imenovanju članova Uprave, Vijeće ministara dužno je voditi računa o ravnopravnoj nacionalnoj i entitetskoj zastupljenosti.
- (5) Mandat članova Uprave traje pet godina. Ista osoba može se ponovo imenovati za člana Uprave.
- (6) Ista osoba ne može istovremeno biti članom Uprave i članom Vijeća Agencije.
- (7) Izuzetno, Vijeće ministara može na prijedlog Vijeća Agencije imenovati v.d. člana Uprave, a koji mora ispunjavati sve uvjete navedene u stavu (3) ovog člana.

DIO ČETVRTI - POSLOVANJE AGENCIJE

Član 20a.
(Osnivanje privrednih društava)

- (1) Za potrebe obavljanja djelatnosti iz člana 4. ovog Zakona, BHANSA može osnivati privredna društva u skladu s propisima koji uređuju osnivanje, poslovanje, upravljanje i prestanak privrednih društava u BiH, poštujući principe ravnomjerne entitetske zastupljenosti sjedišta privrednih društava.
- (2) Osnivanje privrednih društava odobrava Vijeće ministara Bosne i Hercegovine.
- (3) Prilikom imenovanja članova Uprave privrednih društava, Vijeće ministara Bosne i Hercegovine dužno je voditi računa o ravnopravnoj nacionalnoj i entitetskoj zastupljenosti.

Član 24.
(Finansijsko poslovanje i revizija)

- (1) Tijela Agencije osigurat će potpunu transparentnost finansijskog poslovanja Agencije korisnicima usluga u zračnoj plovidbi i građanima Bosne i Hercegovine.
- (2) Finansijsko poslovanje Agencije obavlja se u skladu s općim aktima Agencije, kao i važećom računovodstvenom praksom.
- (3) Finansijsko poslovanje Agencije mora biti usklađeno s odgovarajućim propisima EUROCONTROL-a.
- (4) Reviziju godišnjih finansijskih izvješća provodit će nezavisno revizorsko preduzeće.

- (5) Uprava će osigurati reviziju godišnjih finansijskih izvješća Agencije u roku od 120 dana od završetka fiskalne godine Agencije.
- (6) Na osnovu godišnjih finansijskih izvješća, a u svrhu osiguranja transparentnosti finansijskog poslovanja korisnicima usluga u zračnoj plovidbi, Agencija će odvojeno prikazivati finansijske efekte po pojedinim tipovima usluga.
- (7) Godišnja finansijska izvješća Agencije objavljuju se u „Službenom glasniku BiH“ na jezicima u službenoj upotrebi u Bosni i Hercegovini i na engleskome jeziku.

DIO PETI – PRIJELAZNE I ZAVRŠNE ODREDBE

Član 29.

(Izbor i imenovanje tijela Agencije)

- (1) Ministar komunikacija i prometa BiH pokrenut će postupak za izbor i imenovanje članova Vijeća Agencije u roku od 15 dana od dana stupanja na snagu ovog Zakona.
- (2) Vijeće Agencije će nakon konstituiranja u roku od 15 dana pokrenuti postupak za izbor članova Uprave Agencije i izvršiti imenovanja vršioca dužnosti Uprave Agencije, uz saglasnost Vijeća ministara.

Član 30.

(Registracija)

- (1) Agencija će biti registrirana kao pravno lice Bosne i Hercegovine, u skladu sa Zakonom o registraciji pravnih lica koja osnivaju institucije Bosne i Hercegovine („Službeni glasnik BiH“, br. 37/03).
- (2) BHDCA je dužna provesti sve aktivnosti potrebne za registraciju i početak rada Agencije.

Član 31.

(Prijenos funkcija)

- (1) BHDCA će, u koordinaciji s tijelima Agencije, nastaviti realizirati BHATM strategiju do potpunog uspostavljanja jedinstvenog sistema za pružanje usluga oblasne kontrole zračnog saobraćaja s pripadajućim operativno tehničkim službama.
- (2) FEDCAD i RSCAD prenijet će funkcije prilazne i aerodromske kontrole zračnog saobraćaja na Agenciju najkasnije do tehničko operativnog uspostavljanja jedinstvenog sistema za pružanje usluga oblasne kontrole zračnog saobraćaja, s pripadajućim operativno-tehničkim službama.

Član 32.

(Pristup imovini)

FEDCAD, RSCAD, Federacija Bosne i Hercegovine i Republika Srpska obavezuju se da će Agenciji dopustiti slobodan pristup korištenju imovine i prije zaključivanja posebnih ugovora kako je to navedeno u članu 6. stav (2) ovog Zakona, kako se ne bi dovela u pitanje sigurnost zračne plovidbe (safety).

Član 33.

(Preuzimanje zaposlenih)

- (1) Agencija je dužna preuzeti sve zaposlene iz BHDCA, FEDCAD i RSCAD, koji u vrijeme stupanja na snagu ovog Zakona obavljaju poslove iz djelokruga Agencije.
- (2) Preuzeto osoblje bit će raspoređeno na odgovarajuća radna mjesta uzimajući pri tome u obzir stručnu spremu, zadatke i dužnosti koje ti zaposleni obavljaju u momentu stupanja na snagu ovog Zakona.

Član 34.

(Prestanak primjene pojedinih odredbi Zakona o zrakoplovstvu BiH)

Stupanjem na snagu ovog Zakona prestaju da važe odredbe Zakona o zrakoplovstvu BiH („Službeni glasnik BiH“, br. 2/04), a odnose se na predmet ovog Zakona.



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: 04-02-1-3247-11/23
Sarajevo, 15.01.2024. godine

BOSNA I HERCEGOVINA
Vijeće ministara
Generalni sekretarijat

16-01-2024

05	02-1	3521-6	23
----	------	--------	----

PREDMET: Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, *dostavlja se*

Veza vaš akt, broj: 05-07-1-10-41/23 od 11. 1. 2024. godine

Ministarstvo komunikacija i prometa Bosne i Hercegovine je 12. 1. 2024. godine zaprimilo vaš akt broj: 05-07-1-10-41/23 kojim smo obavješteni da je Vijeće ministara Bosne i Hercegovine na 35. sjednici održanoj 11. 1. 2024. godine utvrdilo Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, uz prijedlog da se isti razmatra po hitnom postupku.

Postupajući po navedenom zaključku u ovom dopisu dostavljamo Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine sa Pregledom odredaba Zakona o Agenciji za pružanje usluga u zračnoj plovidbi Bosne i Hercegovine, koje se mijenjaju i dopunjuju, lektorisan na bosanskom, srpskom i hrvatskom jeziku.

U prilogu dostavljamo mišljenje Ministarstva finansija i trezora Bosne i Hercegovine, broj:05-02-2-8413/23 od 14. 12. 2023. godine, sa ovjerenim i potpisanim obrascem o fiskalnom učinku propisa, mišljenje Ministarstva pravde Bosne i Hercegovine, broj: 09-02-4-8818/23 od 14. 12. 2023. godine, mišljenje Direkcije za evropske integracije Vijeća ministara Bosne i Hercegovine, broj: 03'A-06-2-MV-1426-4/23 od 14. 12. 2023. godine, mišljenje Ureda za zakonodavstvo Vijeća ministara Bosne i Hercegovine, broj: 03-02-1-1028-1/23 od 20. 12. 2023. godine, mišljenje Agencije za zaštitu ličnih podataka u Bosni i Hercegovini, broj: 03-1-02-1-1244-2/23 od 5. 1. 2024. godine, ovjeren i potpisan obrazac broj 1 o prethodnoj procjeni uticaja propisa, ovjereni i potpisani Izjavi o provedenim konsultacijama te potpisan Izvještaj o konsultacijama.

S obzirom da se radi o manjim izmjenama predmetnog Zakona predlaže se razmatranje i usvajanje istog po hitnom postupku.

Molimo da, u skladu sa pomenutim zaključkom, Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine radi razmatranja i usvajanja uputite u Parlamentarnu skupštinu Bosne i Hercegovine.

S poštovanjem

Prilog:


- kao u tekstu

Dostavljeno:

- Naslovu

- 01, 02, 03, 04, BHANSA

- a/a



MINISTAR

Edin Forto



PRIMLJENO:	12.01.2024		
Organizaciona jedinica	Klasifikaciona oznaka	Redni broj	Broj priloga
04	02-1	3247-9/23	0

Broj: 05-07-1-10-41/23
Sarajevo, 11. 1. 2024. godine



MINISTARSTVO KOMUNIKACIJA I PROMETA BiH
- n/r tajniku Ministarstva –
Trg BiH 1, 71000 Sarajevo

PREDMET: Obavijest, dostavlja se

Vijeće ministara Bosne i Hercegovine, na 35. sjednici održanoj 11. 1. 2024. godine, razmotrilo je Nacrt zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine te s tim u vezi zaključilo:


- usvaja se Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine;
- zadužuje se Ministarstvo komunikacija i prometa Bosne i Hercegovine da putem Generalnog tajništva Vijeća ministara Bosne i Hercegovine Prijedlog zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine dostavi Parlamentarnoj skupštini Bosne i Hercegovine, uz prijedlog da se razmatra po žurnom zakonodavnom postupku u skladu s poslovničkim odredbama oba doma Parlamentarne skupštine Bosne i Hercegovine.
- Istodobno, predlagač je u obvezi da u popratnom dopisu i obrazloženju Prijedloga zakona, prilikom upućivanja u parlamentarnu proceduru, obrazloži razmatranje Prijedloga navedenog zakona po žurnom postupku.

S poštovanjem,

DOSTAVLJENO:

- naslovu
- u spis broj:
- a/a

**GENERALNI TAJNIK
VIJEĆA MINISTARA BiH**
mr. Robert Vidović





BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: 04-02-1-3247-4/23
Sarajevo, 25.12.2023. godine

BOSNA I HERCEGOVINA
Vijeće ministara
Generalni sekretarijat

BOSNA I HERCEGOVINA
VIJEĆE MINISTARA
SARAJEVO

PRIMLJENO: 25-12-2023			
Organizacioni jedinica	Klasifikacioni oznaka	Krajni broj	Broj priloga
02	02.1	3521-2	23.

PREDMET: Nacrt Zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine

Veza naš akt, broj: 04-02-1-3247-3/23 od 22. 12. 2023. godine

Aktom, broj: 04-02-1 -3247 -3 /23 dostavili smo vam Nacrt zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine.

Ovim dopisom preciziramo da se nakon utvrđivanja Prijedloga zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine isti dostavi u Parlamentarnu skupštinu, radi razmatranja i usvajanja po hitnom postupku te s tim u vezi dostavljamo izmijenjen Prijedlog zaključka, lektorisan na bosanski, srpski i hrvatski jezik.

S obzirom da se radi o manjim izmjenama predmetnog Zakona predlaže se razmatranje i usvajanje istog po hitnom postupku.

S poštovanjem,

Prilog:

- kao u tekstu

Dostavljeno:

- Naslovu
- 04/1, BHANSA
- a/a







Broj: 03-1-02-1-1244-2/23
Sarajevo: 05.01.2024. godine

BOSNA I HERCEGOVINA MINISTARSTVO KOMUNIKACIJA I TRANSPORTA-PROMETA SARAJEVO			
PRIMLJENO:	05.01.2024		
Organizaciona jedinica	Klasifikaciona oznaka	Redni broj	Broj priloga
04	02-1	3247-7/23	0



**MINISTARSTVO KOMUNIKACIJA I
TRANSPORTA BOSNE I HERCEGOVINE**
Trg Bosne i Hercegovine I/IV
71000 Sarajevo

PREDMET: Nacrt zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, mišljenje – dostavlja se,

VEZA: Vaš akt broj: 04-02-1-3247-5/23 od 25.12.2023. godine


Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt veze kojim se traži mišljenje na Nacrt zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine.

Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

MIŠLJENJE

Nakon izvršene analize, Nacrta zakona o izmjenama i dopunama Zakona o Agenciji za pružanje usluga u zračnoj plovidbi Bosne i Hercegovine, sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,


DIREKTOR
dr. Dragoljub Reljić

Dostavljeno:

- Naslovu
- Spis predmeta





Broj: 03-02-1-1028-1/23
Sarajevo, 20.12.2023. godine
(MD)

BOSNA I HERCEGOVINA MINISTARSTVO KOMUNIKACIJA I TRANSPORTA-PROMETA SARAJEVO			
PRIMLJENO:	21.12.2023		
Organizaciona jedinica	Klasifikaciona oznaka	Redni broj	Broj priloga
04	02-1	3247-2/23	0



BOSNA I HERCEGOVINA
MINISTARSTVO KOMUNIKACIJA I TRANSPORTA
SARAJEVO

Predmet: Mišljenje na Nacrt Zakona o izmjenama i dopunama Zakona o Agenciji za pružanje usluga u vazdušnoj plovidbi Bosne i Hercegovine

Veza: Vaš akt broj:1-01-29-1-4905/23 od 1.12.2023. godine

Ured za zakonodavstvo Savjeta ministara Bosne i Hercegovine, razmotrio je **Nacrt Zakona o izmjenama i dopunama Zakona o Agenciji za pružanje usluga u vazdušnoj plovidbi Bosne i Hercegovine** i na osnovu člana 25. stav 1. Zakona o Savjetu ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog Zakona sadržan je u odredbi člana IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za sprovođenje odluka Predsjedništva ili za vršenje funkcija Parlamentarne skupštine po Ustavu Bosne i Hercegovine.

Takođe, prema članu III 1. h) i i) Ustava Bosne i Hercegovine, u nadležnosti institucija Bosne i Hercegovine je uspostavljanje i funkcionisanje zajedničkih i međunarodnih komunikacijskih sredstava, te regulisanje međuentitetskog transporta.

Kako se navodi u Obrazloženju, razlozi za predlaganje predmetnog Zakona nalaze se u potrebi da se izmjenama i dopunama važeći Zakon prilagodi aktuelnom stanju i potrebama prakse te da se prevaziđu nedostaci koji su uočeni u postupku njegove primjene.

Na dostavljeni tekst Nacrta Zakona o izmjenama i dopunama Zakona o Agenciji za pružanje usluga u vazdušnoj plovidbi Bosne i Hercegovine, Ured za zakonodavstvo daje slijedeće sugestije:

- u članu 1. predloženom članu 3a. dati naziv;

- u članu 2. u predloženom članu 4. stav (1) riječ „BHANSA-e“ zamjeniti riječju „Agencije“ jer je u članu 1. osnovnog teksta zakona izvršeno skačivanje;
- u stavu (2) iza riječi: „iz stava (1) tačka a) alineja 1)“ dodati riječi: „ovog člana“, te isto uraditi i u st. (3), (4), (5), (6), (7), (8) i (9), na odgovarajućim mjestima;
- u čl. 3., 6. i 7. brisati oznake stavova, jer kada se radi o izmjenama i dopunama propisa stavovi se ne označavaju;
- u članu 3. u drugoj rečenici, riječi: „U stavu (1)“ brisati kao suvišne;
- u članu 6. riječi: „polugodišnjeg i“ zamjeniti riječima: „polugodišnjem i“, kako je i navedeno u osnovnom tekstu zakona;
- članom 7. mijenja se stav (5) člana 16. osnovnog teksta na način: „Mandat članova Uprave traje pet godina. Ista osoba može se ponovo imenovati za člana Uprave.“

Kao razlog za izmjenu ovog stava, u obrazloženju se navodi da osnov za ograničenje broja ponovnih imenovanja članova Uprave nije sadržan ni u jednom zakonu ili propisu Bosne i Hercegovine.

S tim u vezi, Ured za zakonodavstvo skreće pažnju na odredbu člana 34. stav 2. Zakona o državnoj službi u institucijama Bosne i Hercegovine („Službeni glasnik BiH“, br. 12/02, 19/02, 8/03, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 98/17), kojim je propisano da sekretara sa posebnim zadatkom imenuje institucija, na određen vremenski period koji nije duži od pet godina. Najduži period postavljenja na isto radno mjesto je deset godina. Znači, u odnosu na sve rukovodioce institucija u statusu sekretara sa posebnim zadatkom isti su ograničeni na mogućnost ponovnog imenovanja, odnosno na ukupni mandat od 10 godina. Isto tako u gotovo svim zakonima kojim su osnovane određene institucije, a procedura imenovanja se provodi u skladu sa Zakonom o ministarskim imenovanjima, imenovanjima Savjeta ministara i drugim imenovanjima Bosne i Hercegovine („Službeni glasnik BiH“ broj 37/03), mandat je ograničen na 4 ili 5 godina i isti se može još jednom ponoviti.

Takođe, u obrazloženju predmetnog nacrtu zakona navodi se da je navedena izmjena u stava (5) člana 16. izvršena slijedeći praksu evropskih država i praksu država u okruženju.

- članom 7. dodaje se u članu 16. novi stav (7) koji propisuje: „Izuzetno Vijeće ministara može na prijedlog Vijeća Agencije imenovati V.D. člana Uprave, a koji mora ispunjavati sve uslove navedene u stavu (3) ovog člana.“

Ured za zakonodavstvo skreće pažnju na sljedeće: iz predloženog stava nije vidljivo kako će se kandidati prijaviti, odnosno ko će iste moći predložiti (jednog ili više) kako bi Vijeće Agencije provelo proceduru i između jednog ili više kandidata predložilo Vijeću ministara Bosne i Hercegovine imenovanje, posebno ako se ima u vidu odredba člana 16. stav (3) tačka a) Zakona o Agenciji za pružanje usluga u vazdušnoj plovidbi Bosne i Hercegovine. Isto tako, navedenom odredbom nije propisano na koji period se vršilac dužnosti može imenovati.


Uzimajući u obzir navedeno, Ured za zakonodavstvo upućuje i na odredbe Zakona o upravi („Službeni glasnik BiH“, br. 32/02, 102/09 i 72/17), odnosno odredbe člana 55a. koji propisuje procedure imenovanja vršioca dužnosti.

- takođe, ukazuje se da se u članu 7. pripremi izmjena u stavu (2) člana 16., kojim će se kod navođenja Zakona o ministarskim imenovanjima, imenovanjima Savjeta ministara i drugim imenovanjima Bosne i Hercegovine, u zagradi navesti sljedeće: „(Službeni glasnik BiH“, broj 37/03)“;
- u članu 9., a imajući u vidu da se mijenja stav (6), oznaku stava „(1)“ zamjeniti oznakom stava „(6)“.
- u članu 10. riječ „Članovi“ zamjeniti skraćenicom „Čl.“,

Konstatuje se, da je u dostavljenom materijalu, a u skladu sa Aneksom I Jedinjstvenih pravilima za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), priložen Obrazac broj 1 – Predhodna procjena uticaja propisa, Izvještaj o provedenim konsultacijama i izjava rukovodioca u skladu sa Pravilima za konsultacije u izradi pravnih propisa („Službeni glasnik BiH“, broj 5/17).

Uz predmetni Nacrt Zakona, prilikom upućivanja na sjednicu Savjeta ministara Bosne i Hercegovine, potrebno je priložiti i pregled odredaba, koje se mijenjaju, odnosno dopunjavaju, što je propisano Poslovníkom o radu Savjeta ministara Bosne i Hercegovine („Službeni glasnik BiH“, broj 22/03), a prilikom upućivanja Prijedloga Zakona u dalju proceduru Parlamentarnoj skupštini Bosne i Hercegovini, potrebno je priložiti odredbe članova koji se mijenjaju i dopunjavaju, te verziju prečišćenog teksta Zakona o Agenciji za pružanje usluga u vazdušnoj plovidbi Bosne i Hercegovine (član 105. stav (5) Poslovníka o radu Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15)).

Uz tekst Nacrta Zakona o izmjenama i dopunama Zakona o Agenciji za pružanje usluga u vazdušnoj plovidbi Bosne i Hercegovine, dostavljena su mišljenja Ministarstva finansija i trezora Bosne i Hercegovine i Ministarstva pravde Bosne i Hercegovine.



Dostaviti:
-Naslovu
-a/a





BOSNIA AND HERZEGOVINA
MINISTRY OF FINANCE
AND TREASURY

07
17/12/23

PRIMLJENO: 17.12.2023			
Ustrojstvena jedinica	Klasifikacijska oznaka	Redni broj	Broj priloga
1-01	29-1	4905	4/23

Број: 05-02-2-8413/23
Сарајево, 14.12.2023. године

БОСНА И ХЕРЦЕГОВИНА

Агенција за пружање услуга у ваздушној пловидби Босне и Херцеговине
Ортијеш бб
88 000 Мостар

**Предмет: Мишљење на Нацрт закона о измјенама и допунама Закона о пружању
услуга у ваздушној пловидби Босне и Херцеговине**

Веза: ваш акт број 1-01-29-1-4905-2/23 од 01.12.2023. године

У вези с вашим актом, број наведен у вези, затражено је Мишљење на Нацрт закона о измјенама и допунама Закона о пружању услуга у ваздушној пловидби Босне и Херцеговине, те у складу са чланом 31. став 1. тачка е) Пословника о раду Савјета министара Босне и Херцеговине („Службени гласник БиХ“, број 22/03) Министарство финансија и трезора Босне и Херцеговине даје следеће

МИШЉЕЊЕ

1. Агенција за пружање услуга у ваздушној пловидби БиХ (БХАНСА) припремила је измјене Закона који регулише њен рад, а у циљу прилагођавања актуелном стању и потребама праксе да се превазиђу уочени недостаци у поступку његове примјене. Суштински је Нацртом закона прецизније регулисана дјелатност БХАНСА, предложено је да чланови Савјета Агенције и чланови Управе могу бити више пута бирани на ове позиције, без ограничења броја мандата. Савјету Агенције утврђена је надлежност да одлучује о висини основице за обрачун плате запоселних, платне разреде запоселних, накнаде и посебне додатке на плату у вези са специфичном природом и сложености послова, али које одобрава Савјет министара БиХ (имајући у виду да члан 8. став (3) тачка ц) није мијењана). Осим наведеног, у члану 11. мијења се износ на који Савјет Агенције даје сагласност када је у питању куповина, продаја, размјена, узимање или давање у лизинг, узимање кредита и друге трансакције на начин се доња граница помјера са 100.000,00 КМ на 250.000,00 КМ, док максимални износ (до једне трећине књиговодствене вриједности имовине Агенције по билансу стања на крају претходне године) остаје исти. Такође, закон је допуњен новим чланом 20а. којим се БХАНСА даје могућност оснивања привредних друштава у складу са важећим прописима, уз поштовање равномјерне ентитетске заступљености сједишта привредних друштава. Овакво оснивање привредних друштава, сходно предложеном члану, одобравао би Савјет министара, док би се приликом именовања чланова Управе привредних друштава водило рачуна о равномјерној националној и ентитетској заступљености. Остале предложене измјене подразумијевају измјене техничких питања и термилолошких усклађивања.
2. Министарство финансија и трезора БиХ размотрило је достављени Нацрт закона и образложења, те констатује следеће:
 - БХАНСА је агенција која се финансира из властитих прихода и није корисник Буџета институција БиХ.

- Предметним измјенама закона, БХАНСА настоји да унаприједи законски оквир за функционисање.
- У погледу трајања мандата и питања неограничене могућности кандидовања члановима Савјета Агенције и члановима Управе на ове позиције, сугеришемо да предлагач прибави мишљење Министарства правде БиХ.
- Допуном члана 11. даје се у надлежност Савјету Агенције да донесе одлуку о привременом финансирању уколико Савјет министара не усвоји Финансијски план Агенције прије почетка фискалне године, што сматрамо адекватним рјешењем.
- Измјеном члана 11. тачка и) која постаје тачка ј) даје се овлаштење Управи Агенције да одлучује о свим питањима куповине, продаје, размјене, узимања или давања у лизинг, узимања кредита и друге трансакције до вриједности 250.000,00 КМ годишње, без сагласности Савјета Агенције, због, како се у образложењу наводи, чињенице да се Савјет Агенције састаје једном у три мјесеца, што може довести до деградације услуга у ваздушној пловидби.
- Истим чланом, тачком ј) која постаје тачка к) даје се у надлежност Савјету Агенције да утврђује висину основице за обрачун плате запослених. Имајући у виду да у тексту Закона остаје члан 8. став (3) тачка ц) према којој Савјет министара БиХ одобрава акт којим се утврђују плате, платни разреди и посебни додаци на плате запослених, цијенимо исправним да одредба члана 11. тачка к) гласи: „утврђује приједлог висине основице за обрачун плата запослених, платне разреде запослених, накнаде и посебне додатке на плату који су у вези са специфичном природом и сложености посла.“
- У погледу допуне Закона новим чланом 20а, којим се Агенцији даје у надлежност оснивање привредних друштава, сугеришемо прибављање мишљења ентитетских надлжених институција, имајући у виду да ова материја није регулисана на нивоу институција БиХ.

Слиједом наведеног, Министарство финансија и трезора нема примједби на финансијски аспект Нацрта закона о о измјенама и допунама Закона о пружању услуга у ваздушној пловидби Босне и Херцеговине имајући у виду да БХАНСА није буџетски корисник, те измјене наведеног Закона не могу утицати на расходе Буџета институција БиХ. Истовремено, сугеришемо поступање у складу са путама из тачке 2. овог Мишљења.

С поштовањем,



МИНИСТАР
Др Орхан Амирић

Доставити:

- Агенција за пружање услуга у ваздушној пловидби Босне и Херцеговине
- а/а